

2. Վաւերացւած սոյն դաշնագրի փոխանակութիւնը կատարուելու է Թիֆլիսում, երկու շաբաթւայ ընթացքում:

3. Ներկայ դաշնագիրը կազմում է երկու օրինակ»^{*)})

Երկու դաշնագրերն էլ վաւերացւեցին Հայաստանի խորհրդարանի նոյեմբ. 11-ի նիստում և, փոխանակութիւնից յետոյ, մտան ուժի մէջ:

Դրանից առաջ, օգոստ. 29—30-ին, անգլիացիները հեռանալու առթիւ, հայ ու վրացական պատերակութիւնները խորհրդաժողովում, զօր. Բիչի մասնակցութեամբ, մշակել էր վարչական ձև Լոռիի չէզոք շրջանի համար: Որոշել էր 1) Չէզոք շրջանի վարչութիւնը թողնել խառն անգլիական սպայի ղեկավարութեան ու հակաիշուի տակ. 2) Անգլիական սպայի բնակութեան վայր կարող է լինել Ալլահմերդին կամ Թիֆլիսը. 3) չէզոք շրջանի վարչութեան ծախսերը բաժանուած են Հայաստանի և Վրաստանի միջև: Սեպտ. 1-ին նոյն պատերակութիւնները որոշեցին 1) անխփփութ թողնել չէզոք շրջանի հայ և վրացի զօրամասերի քանակն ու բնակութեան վայրը. 2) կազմել զինւորական մասնադէտներից մի յանձնախումբ ստուգելու համար, թէ արդեօք 1919թ. յունւ. 9—17-ին հաստատուած դիժը և զօրքերի դասաւորութիւնը պահպանւած է:

Այս որոշումները հաստատուեցին Հայաստանի և Վրաստանի կառավարութիւնների կողմից և մտան ուժի մէջ, որով անգլիացիները հեռանալուց յետոյ էլ Լոռիի չէզոք շրջանը մնաց հայ-վրացական խառն իշխանութեան ներքոյ:

Սակայն, եթէ հայ-վրացական փոխյարաբերութիւնները, արագ կամ դանդաղ, քայլ առ քայլ բարելաւուած էին, Ազրբէջանն ու Հայաստանը շարունակում էին մնալ թշնամի կողմեր. պաշտօնապէս պատերազմ չկար նրանց միջև, բայց փաստական վիճակը պատերազմից էլ վատ էր: Հասկացողութեան դալու մի փորձ էր հայ-ազրբէջանեան խորհրդաժողովը, որ բացւեց Բաղուում, 1919թ. դեկտ. 14-ին:

Հայաստանի կողմից խորհրդաժողովի պատգամաւորներ էին նշանակւած Մ. Յարութիւնեանը, Տ. Բէգզադեանը և Վ. Փափաղեանը: Վերջինիս հիւանդութեան պատճառով՝ փոխարինեց Յ. Արզութեանը, որ Բաղուի վրայով Թեհրան էր գնում, իբրև դեսպան: Ազրբէջանեան պատգամաւորութեան կազմն էր՝ Յաթալի Սան Սոյսկի, Մամէդ Հասան Գաջինսկի և դոկտ. Վեքիլով: Իբրև իրազեկ անձ, նիստերին ներկայ էր լինում և Սալիլ Բէգ Սասմամեդովը: Խորհրդաժողովի օրակարգն էր. 1) սահմանների հարցը, 2) երկաթուղային և առևտրական պայմանագրեր, 3) դադլթականների վիճակի կարգաւորում, 4) երկու հանրապետութիւնների քաղաքացիների դատաստանական-իրաւական յարաբերութիւնների և 5) հիւպատոսական հարցը:

Խորհրդաժողովը ունեցաւ 4 մասնաւոր խորհրդակցական և 2 հրապարակային նիստեր: Ազրբէջանի ղեկավար շրջաններն ու կառավարութիւնը

^{*)} Դաշնագրերը — ռուսերէն ու հայերէն — հրատարակւած են Հայաստանի Խորհրդարանի «Օրէնքների Հաւաքածու»-ի 1919թ. դեկտ. 31 № 10-ում: